

產

鑑

卷中



產鑑卷之中

睢陽馬志光重梓

臨產須知

一 臨月不可洗頭以免橫生逆產

一 諸般不得喧鬧房中常要緊閉

一 閑雜婦人喪婦穢濁等人預宜杜絕勿令觸犯

胎氣致產不利

一 宜擇年高歷練穩婆及純謹親密之人在傍扶

持 乃謂產婦有主持之心無有畏忌



一預備催生符藥譬之停水滅火積時無用偶爾
不虞可救一時之急凡胎前產後數般危証有
妊之家須當預備幸而無事不用何妨

一月數滿忌才覺腹疼驚動太早以爲欲產及其
不產聽信師巫誕妄之人稱說鬼神多方恐怖
恐則氣怯氣怯則上焦閉下焦脹氣乃不行產
必不利犯此者宜紫蘇飲 方見後

一臨月腹疼或作或止一日二日三日胎水已來
而痛不甚者名曰弄疼非當產也又有一月前



忽然腹疼欲產却又無事者名曰試月非也
也不問胎水來不妨只當寬心候時若是產時
腰腹疼極不已穀道挺逆眼中火生便產豈有
欲產有或痛或不痛之候耶人多于此胡見亂
做枉了性命

一初覺腹疼且令扶行熟忍如行不得或憑物坐
或安臥或服安胎藥一二服得安且止慎勿妄
服催生藥餌一切張皇致令產母憂恐而挫其
志務要產母寬心存養令坐婆先就解諭之如

覺心中煩悶可取白蜜一匙新汲水調下
妄亂用力先困其母

一用力太早兒身方轉被用力所逼以致錯路多
致橫逆須待臨逼產門用力一逼兒卽下生
一產時未急不可強服催生藥宜待衣漿既破腹
重痛極眼中火生此時胎已離經兒逼產門
進催生藥服藥後更宜勉強扶行痛陣轉甚
進催生符

一產母如覺饑餓可進軟粥勿令饑餓以致產時



乏力若渴欲飲水宜與米飲或炒米湯

一產母忍痛不肯舒伸行動曲腰眠睡胎元轉

尋到生門被遮閉又轉又尋以至再三胎已盤

力決主難產

一產兒如登廁自有其時不可聽信輕躁坐婆不

候時至便言試水併胞漿先破風入產門以致

腫脹乾澀難產

上十三論活婦之要道爲人不可不知

束胎

束胎散

胎前宜多服安胎易產

白朮

白芍藥

當歸身尾

各一錢

人參

陳皮

紫蘇葉

各七分

大腹皮

三分

甘草

炙三分

右剉作一服水一鍾姜三片煎服八九個月內服

十數服甚得力夏月加條芩一錢瘦人加川芎

一錢

東胎丸

八個月宜

條黃芩

酒炒夏用一兩春秋

陳皮

一兩

白朮

一兩

白茯苓

七錢半



右爲末粥爲丸梧子大每服六七十丸食前服
枳壳散 八九月後胎氣壅隘常服枳壳散滑胎

血安和子臟易產

商州枳壳

五兩麩皮炒赤

粉草

一兩半炙

香附子

一兩童便炒

右爲末每服二錢空心白湯點服食前臨臥日三
服令兒易產初生胎氣微黑百日後變白此爲
右方之冠若姪婦稍弱者加當歸身一兩

忌宜

勿亂服湯藥勿過飲酒臨產尤忌勿妄亂針灸



勿向非常地勿舉重登高涉險心有大驚
顛疾勿多睡臥須時時行步體虛腎氣不足
必解頤宜預溫補脾胃不和榮衛虛怯子必羸
瘦宜預調理產室貴乎無風又不可太暖太暖
則汗出腠理開張易致中風

產婦着衣臥首起口

甲乙日產宜着黑衣忌白衣臥忌西首起日忌

庚辛

丙丁日產宜着青衣忌黑衣臥忌北首起日忌



0000070

壬癸

戊巳日產宜着赤衣忌青衣臥忌東首起日忌

甲乙

庚辛日產宜着黃衣忌赤衣臥忌南首起日忌

丙丁

壬癸日產宜着白衣忌黃衣臥忌無起日忌

巳

生子所向方

子午卯酉日

宜西
南向

寅申巳亥日

宜西



辰戌丑未日

宜東
南向

體玄子借地法

寫貼產婦床後吉

東借十步西借十步南借十步北借十步上借
十步下借十步壁方之中四十餘步安產借地
恐有穢污或有四海神正月遊將軍白虎夫人
遠去十丈軒轅招搖舉高十丈天符地軸入地
十丈令此空閑產婦某氏安居無所妨碍無所
畏忌諸神擁護百邪速退急急如律令勅

催生



醫藥大學圖書館藏

催生滑胎等藥勢不得已則服之大法滑以流
澁滯苦以驅逐閉塞氣滯者行氣胞漿先破者

固血

丹溪云催生只用佛手散最穩當又效捷

佛手散

治難產及妊娠子死或未死胎動不安連

進數服若胎已死服之便下若未死其胎即安

此經累效萬不失一凡產前產後腹疼頭疼體

熱眩暈及經產未進別物即先服此藥逐敗血

生新血能除諸疾

川

當歸各

兩

右咬咀水煎服一方爲龕末每服四錢水七

三分同煎至七分熱服未產前先安排此藥煎

熟產畢卽服之三日内二服三日外一服凡胎

氣不安及產後諸疾俱加酒煎

一產後血衝心及腹脹氣絕者神驗

一難生倒橫子死腹中先用黑大豆一合炒熟水

一盞人童子便一盞前藥四錢同煎至一盞分

爲二服未效再作



一產後腹疼不可忍加桂心二錢入童子便合

服之立效

一凡傷胎去血產後去血崩中去血金瘡去血

牙去血一切去血過多不止眩暈悶絕舉頭

倒悉能治之

催生如聖散

黃蜀葵子

三錢研爛以酒濾去渣溫服神妙或

久腹中氣寬胎滑即產須

黃葵子炒七十粒細

研酒調濟若急若遇臨危產難時免得全家俱



哭泣

又方以香油白蜜童便和勻各半盞調益母草末
錢

催生丹 治生理不順產育艱難或橫或逆大有神

效

十二月兔腦髓 去皮膜研如泥

母丁香 取末一錢 乳香 另研一錢 通明者

麝香 另研五分

右三味研勻以兔腦和丸雞頭實大陰乾油紙包



每服一丸溫湯下卽產兒握藥

柞木飲子 治產難或橫或倒及死胎爛脹腹中

方屢用神效

大柞木嫩枝頭

如指大者長一丈
尺剉碎洗淨生用

甘草

大者五寸剉碎

右用新汲水三碗同入新磁瓶內以紙三重封

文武火煎至一碗半令香候產婦腰重痛欲坐

草時溫飲一小盞腰未重痛勿服服後覺心

下閉豁如渴再飲一小盞覺下重卽生更無諸

苦橫生但過不過三日自止子死腹中不
服即下最為神驗有一婦橫產手出腹中
欲截其手以此藥濃煎一碗與服小頃甦
少粥再與一碗因半少時忽云我骨節俱折開
了快扶我起血水俱下拔出死胎全不痛方可
謂更生以此救人百發百中真神劑也且名
易辦母忽母忽

乳珠丹 治難產及胞衣不下

用通明乳香研細以豬心血為丸梧子大每夜

